

Նախագահ
Թոմաս Ս. Մոնսոն



Հետևել մարգարեներին

Ես ծառայել եմ Միացյալ Նահանգների նավատորմում Երկրորդ Համաշխարհային պատերազմի ավարտին մոտ: Ես նավաստի էի և նավատորմում հնարավոր ամենացածր աստիճանն ունեի: Ապա ես որակվեցի որպես Առաջին աստիճանի նավաստի:

Ավարտվեց Երկրորդ Համաշխարհային պատերազմը, որից հետո ես զորացրվեցի: Մակայն ես որոշում կայացրեցի, որ եթե ես երբևէ վերադառնայի զինված ուժեր, ես կցանկանայի ծառայել որպես սպա: Ես մտածեցի. «Ես այլևս չեմ աշխատի ընդհանուր ճաշարանում, այլևս չեմ մաքրի սեղանները, եթե ես կարող եմ խուսափել դրանից»:

Չորացրվելուց հետո ես միացա Միացյալ Նահանգների Ռազմածովային ուժերին: Ամեն երկուշաբթի երեկոյան ես գնում էի վարժանքի: Ես ջանասիրաբար սովորում էի, որպեսզի կարողանայի հանձնել քննությունները: Ես հանձնեցի ամեն տեսակի քննություն, որ կարելի է պատկերացնել՝ մտավոր, ֆիզիկական և էմոցիոնալ: Վերջապես եկավ հիանալի լուրը. «Դուք ստանում եք սպայի կոչում Միացյալ Նահանգների Ռազմածովային ուժերում»:

Ես ուրախ ցույց տվեցի այն իմ կնոջը՝ Ֆրենսիսին և ասացի. «Ես արեցի դա: Ես արեցի դա»: Նա գրկեց ինձ և ասաց. «Դու բավականաչափ ջանասեր ես եղել դրան հասնելու համար»:

Մակայն այնուհետև մի բան պատահեց: Ես կանչվեցի լինելու իմ ծխի եպիսկոպոսության խորհրդական: Եպիսկոպոսի խորհրդի ժողովը նույն երեկոյան էր, երբ իմ նավատորմային վարժանքի ժողովն էր: Ես գիտեի, որ դա ահավոր հակասություն էր: Ես գիտեի, որ ես ժամանակ չունեի հետամուտ լինելու Ռազմածովային

ուժերի և իմ եպիսկոպոսության պարտականություններին: Ի՞նչ պետք է ես անեի: Պետք էր որոշում կայացնել:

Ես աղոթեցի դրա մասին: Ապա ես գնացի տեսնելու մի մարդու, ով իմ ցցի նախագահն էր եղել, երբ ես պատանի էի՝ Երեց Հարոլդ Բ. Լիին (1899–1973), ով այդ ժամանակ Տասներկու Առաքյալների Քվորումում էր: Ես նստեցի սեղանի մոտ նրա դիմաց: Ես պատմեցի նրան, թե որքան արժեքավոր էր ինձ համար այդ աշխատանքը: Բացի դրանից, ես ցույց տվեցի նրան այն նամակը, որտեղ ինձ հանդիպման էին հրավիրել:

Մի պահ այս խնդրի շուրջ խորհելուց հետո ես ասաց ինձ. «Միա, թե ինչ պետք է դուք անեք, Եղբայր Մոնսոն: Դուք նամակ կգրեք Ռազմածովային նախարարության վարչությանը և կասեք նրանց, որ եպիսկոպոսության անդամի ձեր կոչման պատճառով դուք չեք կարող ընդունել այդ պաշտոնը Միացյալ Նահանգների Ռազմածովային ուժերում»:

Միրոս նվաղեց: Նա ավելացրեց. «Ապա գրեք Սան Ֆրանցիսկոյի Տասներկուերորդ Ռազմածովային շրջանի պարետին և ասեք նրանց, որ դուք կցանկանայիք հեռացվել ուժերից»:

Ես ասացի. «Երեց Լի, դուք չեք հասկանում, թե ինչ է զինծառայությունը: Իհարկե նրանք կհրաժարվեն ինձ տալ այդ պաշտոնը, եթե ես հրաժարվեմ ընդունել այն, սակայն Տասներկուերորդ Ռազմածովային շրջանը ինձ չի ազատի ծառայությունից: Կորեայում ահազանգող պատերազմում պաշտոն չունեցող սպան անկասկած ծառայության կկանչվի: Եթե հետ կանչվեմ, ես կնախընտրեմ հետ գնալ որպես պաշտոն ունեցող սպա, սակայն ես այն չեմ ունենա, եթե չընդունեմ այս պաշտոնը: Դուք վստահ եք, որ սա է այն խորհուրդը, որն ուզում եք, որ ես ստանամ»:

Երեց Լին իր ձեռքը դրեց իմ ուսին և հայրաբար ասաց. «Եղբայր Մոնսոն, ավելի շատ հավատք ունեցեք: Զինժառայությունը ձեզ համար չէ»:

Ես տուն գնացի: Արցունքներով թրջված հրավերը ես ետ դրեցի ծրարի մեջ դրան կցված նամակի հետ միասին և հրաժարվեցի ընդունել այն: Ապա ես նամակ գրեցի Տասներկուերորդ ռազմածովային շրջանին և խնդրեցի ազատել ինձ Ռազմածովային ծառայությունից:

Ռազմածովային ծառայությունից ես դուրս եկա, երբ կազմավորվում էր վերջին խումբը Կորեայի պատերազմի բռնկումից առաջ: Ես կրում էի իմ վարչության հագուստները: Եպիսկոպոսությունում որպես խորհրդական կանչվելուց վեց շաբաթ անց ես կանչվեցի լինելու իմ ծխի եպիսկոպոսը:

Եկեղեցում ես չէի ունենա այն կոչումը, որն ունեմ այսօր, եթե չհետևեի մարգարեի խորհրդին, չաղոթեի այդ որոշման համար, չգնահատեի կարևոր ճշմարտությունը. Աստծո իմաստությունը հաճախ հիմարություն է թվում մարդկանց:¹ Սակայն ամենամեծ դասը, որը մենք կարող ենք սովորել մահկանացու կյանքում այն է, որ երբ Աստված խոսում է և Նրա զավակները հնազանդվում են, նրանք միշտ ճիշտ կլինեն:

Ասում են, որ պատմության մեջ մանրուքներից են կախված մեծ շրջադարձները, և դա այդպես է նաև մեր կյանքում: Որոշումներից է կախված ճակատագիրը: Սակայն մենք անօգնական չենք թողնված մեր որոշումներում:

Եթե դուք ուզում եք տեսնել երկնքի լույսը, եթե դուք ուզում եք զգալ Ամենագոր Աստծո ոգեշնչումը, եթե դուք ուզում եք ձեր կրթում ունենալ այն զգացումը, որ Երկնային Հայրն առաջնորդում է ձեզ, ապա հետևեք Աստծո մարգարեներին: Երբ դուք հետևեք մարգարեներին, դուք կլինեք ապահով տարածքում:

ՀՂՈՒՄ

1. Տես Ս Կորնթացիս Բ.14:

ՈՒՍՈՒՑԱՆՈՒՄ ԱՅՍ ՈՒՂԵՐՁԻՑ

Եկեղեցու ոչ շատ անդամներ անձամբ խորհուրդ կատանան Առաքյալից, ինչպես ստացավ Նախագահ Մոնսոնը: Սակայն մենք ևս կարող ենք օրհնվել, եթե հետևենք մարգարեների և առաքյալների ուսմունքներին: Կարող եք կարդալ Նախագահ

Մոնսոնի ելույթները վերջին գերագույն համաժողովից (Նաև հիշեք Նրա բացիչ և եզրափակիչ ելույթները): Փստրեք գործելու վերաբերյալ առանձնահատուկ ցուցումներ կամ կոչեր: Դուք կարող եք քննարկել ձեր սովորածը նրանց հետ, ում այցելում եք, և խորհել, թե ինչպես կարող եք կիրառել Նախագահ Մոնսոնի խորհուրդը:

ԵՐԻՏԱՍԱՐԴՆԵՐ

Խորհուրդներ դժվար ընտրություններ կատարելու համար

Նախագահ Չեյնի Բ. Այրիսզը՝ Սոաջին Նախագահության Առաջին Խորհրդականը, պատմեց, թե ինչպես է նա հետևել մարգարեական խորհրդին: Մի գերագույն համաժողովի ժամանակ Նախագահ Էզրա Թավտ Բենսոնը հորդորեց անդամներին ազատվել իրենց պարտքերից, հատկապես վարկերից:

Նախագահ Այրիսզն ասաց. «Ես դիմեցի կնոջս ժողովից հետո և հարցրեցի. «Ի՞նչ ես կարծում, կա՞ որևէ հնարավորություն դա անելու»: Սկզբում մենք չէինք կարողանում»: Սակայն այդ օրը մինչև երեկո նա մտածել էր մի սեփականության մասին, որը նրանք տարիներ շարունակ փորձել էին վաճառել, սակայն առանց հաջողության: «Մենք վստահեցինք Աստծուն և Նրա ծառայի ուղերձին, . . . [ուստի] մենք մի հեռախոսազանգ կատարեցինք: . . . Ես լսեցի մի պատասխան, որը մինչև այժմ զորացնում է իմ վստահությունն Աստծո և Նրա ծառաների հանդեպ»: Այդ նույն օրը մի մարդ առաջարկեց գնել Այրիսզների սեփականությունը մի գումարով, որը մի փոքր ավել էր նրանց վարկից: Այրիսզները շուտով ազատվեցին պարտքերից (տես «Վստահեք Աստծուն, հետո գնացեք և արեք», *Լիահոնա*, Նոյ. 2010, 72–73):

Դուք, միգուցե, չունեք վարկեր վճարելու, սակայն մարգարեական խորհուրդը կարող է առաջնորդել ձեզ այստեղ և այժմ դժվար որոշումներ կայացնելիս աշխատանքի, կրթության, միսիայի և ժամարության վերաբերյալ: Քննարկեք ձեր ընտանիքի կամ հասակակիցների հետ, թե ինչպես կարող եք հետևել մարգարեին, երբ դուք պետք է որոշումներ կայացնեք:



Հիսուս Քրիստոսի հատկանիշները. Հնազանդ Որդի

**Հավատք, Ընտանիք,
Սփոփանք**

Աղոթքով ուսումնասիրեք այս նյութը և փորձեք հասկանալ, թե ինչով պետք է կիսվեք: Փրկչի կյանքը և դերերը հասկանալը ինչպե՞ս կվեժացնեն ձեր հավատքը Նրա հանդեպ և կօրհնեն նրանց, ում դուք այցելում և ուսուցանում եք: Լրացուցիչ տեղեկության համար, այցելեք reliefsociety.lds.org:

Սա Այցելող Ուսուցիչների Ուղեորների այն շարքից է, որը նվիրված է Փրկչի առաքելության տարբեր ոլորտներին:

Հիսուս Քրիստոսի հնազանդ-դուրյան օրինակին հետևելը մեծացնում է մեր հավատքը Նրա նկատմամբ: «Արդո՞ք դա զարմանալի է,- ասել է Տասներկու Առաքյալների Քվորումից Երեց Ջեֆրի Ռ. Հոլլանդը,- որ Քրիստոսը առաջինը և ամենակարևորը ընտրում էր իր հոր կամքը, որ նա սիրում էր նրան և հնազանդվում էր նրան և ենթարկվում էր նրան ինչպես հավատարիմ որդի, ինչպիսին էր ինքը: . . . Հնազանդությունը երկնքի առաջին օրենքն է»¹

Սուրբ գրությունները սովորեցնում են. «Եթե մենք ինչ-որ օրհնություն ենք ստանում Աստծուց, դա այն օրենքին հնազանդվելով է, որի վրա հիմնված է այն» (Վևու 130:21): Մենք հոգևորապես աճում ենք, երբ մենք մոտենում ենք Աստծուն հնազանդության շնորհիվ և հրավիրում ենք Փրկչի Քավության գորությունը մեր կյանք:

«Երբ քայլում ենք Հիսուս Քրիստոսի ավետարանի սկզբունքներին ու պատվիրաններին հնազանդ,- ասել է Տասներկու Առաքյալների Քվորումից Երեց Դ.Թոդ Քրիստոֆերսոնը: «Մենք վայելում ենք

ուխտի մեջ Աստծո կողմից խոստացված օրհնությունների անընդ-հատ հոսքը: Այդ օրհնություններն ապահովում են միջոցներ, որ կյանքի ճանապարհով քայլելիս մենք ոչ թե հեշտությամբ ներգործվենք, այլ ինքներս ներգործող լինենք: . . . Հնազանդությունը մեզ օգնում է ավելի լավ կառավարել մեր կյանքը, տալիս է ավելի մեծ կարողություն քայլելու, աշխատելու և արարելու համար»²

Լրացուցիչ սուրբ գրություններ
Ղուկաս ԻԲ.41–46, Վարդապետություն և Ուխտեր 82.10, 93.28

Սուրբ գրություններից

«Կարո՞ղ է ջանասեր ուսանելու և սուրբ գրությունների շուրջ խորհրդածելու արդյունքում ձեռք բերված գիտելիքը փոխանցվել կարիքի մեջ գտնվողին», - հարցրել է Տասներկու Առաքյալների Քվորումից Երեց Դեյվիդ Ա. Բեդնարը: «Հստակ պատասխանն է՝ ոչ»³

Տասը կույսերի առակը այս սկզբունքի օրինակն է: Չնայած, որ բոլոր կույսերը վերցրեցին իրենց լապտերները «փեսային դիմաորելու» համար, միայն հինգն էին իմաստուն և ձեռք լցրեցին իրենց լապտերներում: Մյուս հինգը հիմար

էին, քանի որ նրանք «ձեռք վեր չառան իրանց հետ»:

Ապա, աղաղակ եկավ կեսգիշերին. «Միա, փեսան գալիս է. դուրս եկեք նորան դիմաորելու»: Բոլոր կույսերը պատրաստեցին իրենց լապտերները, սակայն հիմար կույսերը ձեռք չունեին: Նրանք ասացին իմաստուն կույսերին. «Տուեք մեզ ձեր խղիցը, որովհետև մեր լապտերները հանգչում են»:

Իմաստուն կույսերը պատասխանեցին. «Մի գուցե մեզ ես ձեզ բաւական չլինի. բայց . . . գնացեք . . . ես գնեցեք ձեզ համար»: Եվ մինչ հիմար կույսերը գնացել էին, փեսան եկավ և իմաստուն կույսերը գնացին նրա հետ և «դուռն փակուեցաւ» (Մատթեոս ԻԵ.1-13):

ՀՂՈՒՄՆԵՐ

1. Jeffrey R. Holland, "The Will of the Father in All Things" (Brigham Young University devotional, Jan. 17, 1989), 4, speeches.byu.edu.
2. Դ. Թոդ Քրիստոֆերսոն, «Ուխտերի գորությունը», *Լիսինուս*, մայիս 2009, 21:
3. Դեյվիդ Ա. Բեդնար, «Կարձ դեպի Տերը», *Լիսինուս*, նոյ. 2012, 109:

Խորհեք այս մասին

Որո՞նք են հնազանդության որոշ օրինակները սուրբ գրություններում: